

皇朝中外輿地全圖

同治二年

江苏工业学院图书馆
藏书章

皇朝中外全圖

板藏湖北撫署景桓樓

恭錄

高宗純皇帝御製詩

括地多年仰

聖猷

輿地圖自康熙年間
或有不能身履其地者必周諮博訪而載之既成鐫以銅版垂諸永久

皇祖命人乘傳詣各部詳詢精繪而後定

覈眞

今復逮渠搜

上年平定準噶爾迤西諸部悉入版章因命都御史何國宗率西洋人由西北兩路分道至各鄂拓克測量星度占候節氣詳詢其山川

險易道路遠近
繪圖一如舊制

閔誇詎類叅軍注阨塞應同主吏收益

切覲光周誥凜匪關鑿空

上聲

漢臣求宇安歲美

吾恆願望蜀甯當意更留

乾隆丙子夏六月御題

敢云擴宇藏

前猷偃伯從茲罷勦搜厄魯馬牛無一牧筠沖

屯堡並全收

乾隆乙亥平定準噶爾各部既命何國宗等分道測量載入輿圖已卯諸回部悉隸版籍復遣明安圖等前往按地以次釐定上占辰朔

下列職方備繪

前圖永垂徵信

本朝文軌期同奉昧谷寒暄重細求無

外

皇清王道坦披圖奕葉慎貽留

庚辰秋八月曼前韻再題

大清一統輿圖序

古今來地理之書惟圖爲最要周官數言天下土地之圖九州之圖漢班固氏撰地理志一則曰秦地圖再則曰秦地圖書此於圖爲最古至晉裴秀氏繪圖則以周秦地圖秘書殆絕僅有漢氏及括地諸雜圖粗具形似不爲精審圖又於地理爲最難我

國家幅員之廣數倍前代而欲海內外數千萬里於一圖約之則尤難之難顧吾謂成書之難又

不啻此數端而已夫通典詳四至郡縣志八到
陳篇曩例枚數瞭如然陵谷時變形勢屢遷建
設世殊名稱代異若非廣搜近錄薈集叢編將
遵古則戾今舉中則遺外其爲采輯也難黃圖
釣奇於俶詭桑經漏志於東南業鮮顓門丹素
互詆諺存籍佚記里難詳名一道殊志邑多舛
若非學優畫地才裕說山將指北以歧南執經
而惑緯其爲纂述也難况夫櫟槍未落戎車方
震千秋之阜圖已渺七表之亥步誰量畫斧旣

定不踰兩戒聚米無術莫別九州若非高掌遠
蹠之識洞幽燭微之幾必將以南都爲無用之
繪圖春秋實斷爛之朝報曠時惜力置諸迂緩
則雖有創於前者莫克成於後是作之難述之
亦不易也益陽胡文忠志刊此圖未竟其事會
嚴渭春中丞來撫是邦與予謀踵成之博采志
乘禮徵名宿策日葳功讐校精善蔚然成一代
大觀夫鄂處兵燹之餘文獻流軼存者蓋寡其
時淨院濱江上下數千里胥受蹂躪文忠議復

皖而以策後饋餉責諸子軍書往來參互酌定
凡三易寒暑合諸道之力次第廓清以底於皖
而告厥成應日月光華之運樹東南耆定之基
此固天時人和使然而其戰勝攻取因勢利導
實有賴乎地利者也今中丞行軍立政一仿前
規於地理一道尤心焉識之往往聽其言論覽
其簡牘所指陳山川州邑皆厯厯如畫予常因
之以指揮諸軍進退戰守覺實有了然於心目
間者其得輿圖之力爲多顧予督楚垂十年矣

夙夜殫精罔或告瘁雖瘡痍漸起規模粗備然而待理者甚衆望治者方殷則又不禁稽版籍披地誌怵怵然有動於中嘗見山之高則思所以厚滋培川之流則思所以籌利濟郡邑之繁劇則思所以致富庶關隘之險阻則思所以堅保障疆圉之叢錯則思所以固輔車此皆予與中丞之責也是書之成固將以竟胡公之志而予與中丞之所以圖治者正未有已時矣敢以畏難自畫哉因誌數語以策將來

誥授光祿大夫

欽差大臣

太子太保

文華殿大學士兵部尙書

都察院右都御史總督湖廣等處地方軍務兼
理糧餉遼陽官文序

大清一統輿圖序

昔周公誕保成王迺作周官致太平而司徒職
方咸掌天下之圖以周知九服之利害漢時將
相大臣若蕭何趙充國平當延年之徒皆以地
圖治軍防邊行水唐賈耽李吉甫父子之著書
籌邊亦以圖蓋輔翼承平龕定暴亂者皆宜先
知阨塞之要也明人惟朱思本圖爲唐順之等
所不及然世不多見至我

仁皇帝天縱聖神乃復晉裴氏所言繪圖之法故康熙

大清壹統輿圖
中二圖上系天度豪髮合符

純皇帝者定西域回疆青海金川藏衛拓土三萬里命
疇人挈儀器測斗極考月食審正黃道經緯度
分以畫中外封域廣輪曲折之數

睿皇帝續修會典又益以內外喀爾喀蒙古百餘旗游
牧及科布多唐努山烏梁海阿拉善額濟納諸
部落於是宙合之內高山廣水之所盤紆而輪
寫郡邑斥堠之所星羅而辰共此界彼域之所
孤邪而離絕莫不可坐知其遼隰之弧直猗歟

可不謂盛歟是故東自秣羯肅慎以南西南盡
六詔二垂際海西梁瀾滄苞邛崃青衣循党項
吐谷渾之墟踰瓜沙渡居延梯合黎北河高闕
厯元魏六鎮以會於龍城之陽

山陵之所以奠

宸極之所以尊風化之所以端貢賦之所以出東三
省外爲省十八條爲府縣畫爲井里此

列聖旁召賢俊

厘宵旰櫛風雨以安定之者也芒芒禹績必思崇儒術

勤吏治以覆育之自唐三受降城以東南衛邊
門東湊松花江北緣大漠爲內蒙古六盟其外
涉瀚海阻興安東濱黑龍江西越阿爾泰山爲
外蒙古車臣等四部屏翰之蔽所以寵之甥舅
之聯所以戚之衣服上駟之貢所以恤之此

列聖所以勤攻同申昏姻而撫字之者也無有遠邇悉

供臂指必思因其俗布其教以懷柔之自玉門
陽關以西階天山躋星宿陟昆侖橋伊麗爲漢
屯田車師烏孫之壤北爲鐵勒南爲于闐皮山

蔥領又南爲吐蕃定爲將軍都統參贊諸大臣
治所此

列聖簡將率厲威武以稷鉏墾爲沃塹者要荒蕃鎮詘
膝款塞必思養之教之威之信之自是以來東
爲朝鮮日本琉球北爲俄羅斯西爲霍罕布魯
特南爲暹羅南掌廓爾喀緬甸越南諸屬國正
朔所頒共球所會又其外則卜哈爾回回土爾
其意大里亞及圖所未載之五印度瑞連英法
荷美等重譯貢市之國皆

列聖不泄邇忘遠而綏來之者也管子有云飛蓬在所
不賓燕雀在所不顧惟籍之典屬委之舌人來
者撫摩去者保護德足浹之約足羈之而已於
鑠乎禮有之曰天之所覆地之所載凡有血氣
莫不尊親今之謂矣召康公之頌成王也以謂
土宇畝章誠孔厚矣然必繼以彌性申以孝德
期以多吉士多吉人蓋惟修身任賢乃足以康
乂億兆驚慄水陸也故

樹森

之刊斯圖既以昭

聖代車書大同之盛亦將以詒開濟之才俾其守邊

治河使絕域興水利者皆有所考也

誥授光祿大夫振威將軍兵部侍郎兼都察院右副

都御史巡撫湖北武昌等處地方提督軍務前
任河南巡撫兼提督銜嚴樹森譔